

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 11 1941

圖書編卷之七十七

南昌後學章潢本清甫編

三綱五常總叙

哈佛大學漢和
圖書館珍藏印




三綱二紀人之大倫也。五常之道也。君爲臣之綱。其有分者義也。父爲子之綱。其有親者仁也。夫爲妻之綱。其有別者智也。長幼之紀。其序爲禮。朋友之紀。其任爲信。之二紀者。亦不出乎三綱之外。何也。因有父子也。而有兄弟。以至於宗族。其先後以齒者。一家之長幼也。因有君臣也。而有上下。以至於儔侶。其尊卑以等者。一國之長幼也。因有兄弟也。而自同室。以至於宗族。其互相助

益者同姓之朋友也。因有上下也。而自同僚以至於儔
 侶。其互相規正者異姓之朋友也。舉二綱而二紀在其
 中。故總謂之綱常。人之所以為人而異於物者。以其有
 此綱常之道。雖然提其綱則紀自理。振其綱紀則天經
 賴以清。地義賴以寧。萬彙賴以成。自混元開闢以來。孰
 能一日離此常道哉。是故陳此常道於時。夏凡變此道
 者不待辨哉。

綱

常

圖



父為子綱

君為臣綱

夫為妻綱



父子有親

君臣有義

夫婦有別

長幼有序

朋友有信

五常之道

五常之道。人之所以爲人而異於禽獸者。惟此焉耳。茲其所以爲萬世不易之常道歟。三綱卽五常之中。而揭其綱。使人反求諸身也。是五常也。其在天地。則爲木火土金水之五行。其在人心。則爲仁義禮智信之五德。臯陶所謂五典。中庸所謂五達道者。是也。聖人人倫之至。豈能於父子親君臣義夫婦別長幼序朋友信之外。而有所加乎。蓋其以一身負荷綱常。具之爲常性。行之爲常道。聲律身度。仁至義盡。而俯仰無愧於天地。所以偉然人極之攸樹者。特以盡其人道之常耳。但聖人亦人也。聖人自盡其常道。惟於立人之道。無虧欠也。吾人並生斯世。戴天履地。共負此綱常之重。使於五者有一之或缺。斯失其所以爲人也。已。况於三綱五常。而莫之盡心乎哉。

三綱五常考

大學爲人君止於仁。爲人臣止於敬。爲人子止於孝。爲人父止於慈。與國人交止於信。

晏子曰。君令臣共。父慈子孝。兄愛弟敬。夫和妻柔。姑慈婦聽。禮也。君令而不違。臣共而不貳。父慈而教。子孝而箴。兄愛而友。弟敬而順。夫和而義。妻柔而正。姑慈而從。

婦聽而嫁禮之善物也

孟子曰人之有道也飽食煖衣逸居而無教則近於禽獸聖人有憂之便契為司徒教以人倫父子有親君臣有義夫婦有別長幼有序朋友有信

漢白虎通義三綱者何謂也謂君臣父子夫婦也六紀者何謂也謂諸父兄弟族人諸舅師長朋友也故君為臣綱父為子綱夫為妻綱何謂綱紀綱者張也紀者理也大者為綱小者為紀所以張理上下整齊人道也人皆懷五常之性有親愛之心是以綱紀萬化若羅網之有綱紀而萬目自張也按三綱之名始見於此非以上漢儒之言古之遺言也

論天理人倫之正

蓋言五者大倫

孝經愛親者不敢惡於人敬親者不敢慢於人愛敬盡於事親而德教加於百姓此天子之孝

子曰昔者明王之以孝治天下也不敢遺小國之臣而况於公侯伯子男乎故得萬國之歡心以事其先王治國者不敢侮於鰥寡而况於士民乎故得百姓之歡心以事其先君治家者不敢失於臣妾而况於妻子乎故得家人之歡心以事其親夫然故生則親安之祭則鬼享之是以天下和平災害不生禍亂不作故明王之以孝治天下也如此詩曰有覺德行四國順之

子曰昔者明王事父孝故事天明事母孝故事地察長
幼順故上下治天地明察神明彰矣故雖天子必有尊
也言有父也必有先也言有兄也宗廟致敬不忘親也
修身慎行恐辱先也宗廟致敬鬼神著矣孝弟之至通
於神明禋於四海無所不通 以上專言天子之孝
蠱卦初六幹父之蠱有子考無咎厲終吉象曰幹父之
蠱意承考也

九二幹母之蠱不可貞象曰幹母之蠱得中道也

孟懿子問孝子曰無違樊遲御子告之曰孟孫問孝於
我我對曰無違樊遲曰何謂也子曰生事之以禮死
之以禮祭之以禮

孟武伯問孝子曰父母唯其疾之憂

子游問孝子曰今之孝者是謂能養至於犬馬皆能有
養不敬何以別乎

子夏問孝子曰色難有事弟子服其勞有酒食先生饌
曾是以爲孝乎

禮記爲人子者聽於無聲視於無形

孝子之有深愛者必有和氣有和氣者必有愉色有愉
色者必有婉容嚴威儼恪非所以事親也

仁人之事親也如事天事天如事親

公明儀問於魯子曰夫子可以爲孝乎魯子曰君子之
所謂孝也者先意承志諭父母於道參直養者也安能
爲孝乎

父母有過下氣怡色柔聲以諫諫若不入起敬起孝悅
則復諫不說與其得罪於鄉黨寧孰諫父母怒撻之流
血不敢疾怨起敬起孝

親有疾飲藥子先嘗之醫不三世不服其藥

子曰孝子之喪親也哭不偯禮無容言不泣服美不安
聞樂不樂食旨不甘此哀感之情也三日而食教民無
以處傷生毀不滅性此聖人之政也喪不過三年示民

有終也爲之棺槨衣衾而舉之陳其簋簠而哀感之
踊哭泣哀以送之上其室兆而安厝之爲之宗廟以鬼
享之春秋祭祀以時思之生民之本盡矣死生之義備
矣孝子之事親終矣

子曰子生三年然後免於父母之懷夫三年之喪天下
之通喪也

中庸日期之喪達乎大夫三年之喪達乎天子父母之
喪無貴賤一也

滕定公薨世子謂然友曰昔者孟子嘗與我言於宋於
心終不忘今也不幸至於大故吾欲使子問於孟子然

後行事然友之。鄒問於孟子。孟子曰：不亦善乎？親喪固所自盡也。曾子曰：生事之以禮，死葬之以禮，祭之以禮，可謂孝矣。諸侯之禮，吾未之學也。雖然，吾嘗聞之矣。三年之喪，齊疏之服，飭粥之食，自天子達於庶人，三代共之。然友反命，定爲三年之喪。父兄百官皆不欲，曰：吾宗國魯先君，莫之行。吾先君亦莫之行也。至於子之身而反之，不可。且志曰：喪祭從先祖。曰：吾有所受之也。謂然友曰：吾他日未嘗學問，好馳馬試劍，今也父兄百官不我足也，恐其不能盡於大事，子爲我問。孟子曰：然友復之。鄒問。孟子曰：然不可。以他求者也。孔子曰：君薨，聽於冢宰，歆粥，面深墨，即位而哭，百官有司莫敢不哀，先之也。上有好者，下必有甚焉者矣。君子之德風也，小人之德草也。草上之風，必偃。是在世子。然友反命。世子曰：然，是誠在我。五月居廬，未有命戒。百官族人可謂曰：知及至。至，塋四方來觀之。顏色之戚，哭泣之哀，吊者大悅。子曰：父在，觀其志；父歿，觀其行。三年無改於父之道，可謂孝矣。

曾子曰：慎終追遠，民德歸厚矣。

禮記曰：霜露既降，君子履之，必有悽愴之心，非其寒之謂也。春雨露既濡，必有怵惕之心，如將見之。

致齊于內散齊於外齊之日思其居處思其笑語思其志意思其所樂思其所嗜齊三日乃見其所為齊者祭之日入室儼然必有見乎其位周還出戶肅然必有聞乎其容聲出戶而聽愴然必有聞乎其歎息之聲是故先王之孝也色不忘乎目聲不絕乎耳心志嗜欲不忘乎心致愛則存致慤則著著存不忘乎心夫安得不敬乎君子生則敬養歿則敬享思終身弗辱也

文王之祭也事死者如事生思死者如不欲生忌日必哀稱諱如見親祀之忠也

君子有終身之喪忌日之謂也故忌日不樂父母之所愛亦愛之父母之所敬亦敬之大馬盡然謂况於人乎

孔子曰身也者親之枝也敢不敬與不能敬其身是傷其親

曾子曰身也者父母之遺體也行父母之遺體也敢不敬乎

禮記曰孝子如執玉如奉盈洞洞屬屬然如弗勝如將失之

孟子曰事孰為大事親為大守孰為大守身為大守親事之本也守身守之本也不失其身而能事其親者有

之矣失其身而能事其親者未之有也

曾子曰樹木以時伐焉禽獸以時殺焉夫子曰斷一樹

殺一獸不以其時非孝也 以上叙天理人倫之正二

通言人子之孝

堯典曰有齔在下曰虞舜父頑母嚚象傲克諧以孝烝

烝乂不格姦

帝初于歷山往于田日號泣于旻天于父母負罪引慝

祇載見瞽瞍夔夔齊慄瞽瞍亦乞若

孟子曰天下大悅而將歸已視天下悅而歸已猶草芥

也惟舜為然不得乎親不可以為人 不順乎親不可以

為子 舜盡事親之道而瞽瞍底豫瞽瞍底豫而天下化

瞽瞍底豫而天下之為父子者定此之謂大孝

萬章問曰舜往于田號泣于旻天何為其號泣也孟子

曰怨慕也萬章問曰父母愛之喜而不忘父母惡之勞

而不怨然則舜怨乎曰長息問於公明高曰舜往于田

則吾既得聞命矣號泣于旻天于父母則吾不知也公

明高曰是非爾所知也夫公明高以孝子之心為不若

是恕我竭力耕田共為子職而已矣父母之不我愛於

我何哉帝使其子九男二女自官牛羊倉廩備以事舜

於畝畝之中天下之士多就之者帝將胥天下而遷之

焉為不順於父母如窮人無所歸天下之士悅之人之
 所欲也而不足以解憂好色今之所欲妻帝之二女而不
 足以解憂富人之所欲富有天下而不足以解憂貴人之
 所欲貴為天子而不足以解憂人悅之好色富貴無足
 以解憂者惟順於父母可以解憂人少則慕君不得於君則
 色則慕少艾有妻子則慕妻子仕則慕君不得於君則
 熱中大孝終身慕父母五十而慕者于於夫舜見之矣
 禮記子曰舜其大孝也與德為聖人尊為天子富有四
 海之內宗廟享之子孫保之故大德必得其位必得其
 祿必得其名必得其壽故天之生物必因其材而篤焉

故裁者培之傾者覆之詩曰嘉樂君子憲憲令德宜也
 宜人受祿于天保佑命之自天申之故大德者必受命
 子曰武王纘大王王季文王之緒壹戎衣而有天下尊
 為天子富有四海之內宗廟享之子孫保之武王末受
 命周公成文武之德追王大王王季上祀先公以天子
 之禮子曰武王周公其達孝矣乎夫孝者善繼人之志
 善述人之事者也春秋修其祖廟陳其宗器設其裳衣
 薦其時食踐其位行其禮奏其樂敬其所尊愛其所親
 事死如事生事亡如事存孝之至也
 文王之為世子朝於王季曰三鷄初鳴而衣服至於寢

門外問內豎之御者曰今日安否何如內豎曰安文王
乃喜及日中又至亦如之及莫又至亦如之其有不安
節則內豎以告文王色憂行不能正履王季復膳然後
亦復初食上必在視寒煖之管食下問所膳命膳宰曰
未有原應曰諾然後退武王帥而行之不敢有加焉文
王有疾武王不說冠帶而養文王一飯亦一飯文王再
飯亦再飯旬有二日乃間

漢高帝詔曰人至親莫親於父子故父有天下傳歸於
子子有天下尊歸於父此人道之極也前日天下大亂
兵革並起萬民苦殃朕親披堅執銳平暴亂立諸侯偃
兵息民天下大安此皆太公之教訓王侯卿大夫已
朕爲皇帝而太公未有號今上尊太公爲太上皇九年
淮南王梁王稍王楚王朝未央宮置酒前殿上奉玉卮
爲太上皇壽曰始大人常以臣無賴不能治產業不如
仲力今其之業所就孰與仲多殿上群臣皆稱萬歲大
笑爲樂

唐太宗貞觀二年頡利可汗入朝上謂侍臣曰往者太
上皇以百姓之故稱臣於突厥朕常痛心今單于稽顙
庶幾可雪耻四年李靖擒頡利可汗以獻上皇聞之歎
曰漢高祖困白登不能報今我子能滅突厥吾託付得

人復何憂哉。上皇命置酒凌烟閣酒酣上起舞公卿迭起爲壽。

太宗嘗謂近臣曰吾今日生日世俗皆爲樂在朕翻成傷感今君臨天下富有四海而欲承顏膝下永不可得此子路有負米之恨也詩云哀哀父母生我劬勞柰何更以劬勞之日更爲宴樂乎因泣數行下左右皆悲明皇開元中以生日宴百官於花萼樓每歲八月五日爲千秋節布於天下咸令宴樂尋又移社就千秋節以

上論天理人倫之正一

帝爲事親之孝

孟子萬章曰父母使舜完廩捐階瞽瞍焚廩使浚井出

從而揜之象曰謨蓋都君咸我績牛羊父母倉廩父母于戈朕琴朕張朕二嫂使治朕棲象往入舜宮舜在牀琴象曰鬱陶思君爾忸怩舜曰惟茲臣庶汝其于予治不識舜不知象之將殺已與曰奚而不知也象憂亦憂象喜亦喜曰然則舜僞喜者與曰否彼以愛兄之道來故誠信而喜之奚僞焉

萬章問曰象日以殺舜爲事立爲天子則放之何也孟子曰封之也或曰放焉萬章曰舜流共工于幽州放驩兜于崇山殺三苗於三危殛鯀于羽山四罪而天下咸服誅不仁也象至不仁封之有痺有痺之人奚罪焉仁

人固如是乎在他人則誅之在弟則封之曰仁人之於弟也不藏怒焉不宿怨焉親愛之而已矣親之欲其貴也愛之欲其富也封之有庠富貴之也身為天子弟為匹夫可為親愛之乎敢問或曰放者何謂也曰象不得有為於其國天子使吏治其國而納其貢稅焉故謂之放豈得暴彼民哉雖然欲常常而見之故源源而來不及貢以政接於有庠此之謂也

詩皇矣之二章維此王季因心則友則友其兄則篤其慶載錫之允受祿無喪奄有四方

棠棣燕兄弟也閔管蔡之失道故作棠棣焉其一章曰棠棣之華鄂不韡韡凡今之人莫如兄弟之二章曰采芣之威兄弟孔懷三章曰春令在原兄弟急難四章曰兄弟鬩于墻外禦其侮

行葦忠厚也其一章曰敦彼行葦牛羊勿踐履方苞方體維葉泥泥戚戚兄弟莫遠具爾

角弓父兄刺幽王也不親九族而好讒佞骨肉相怨故作是詩駢駢角弓翩其反矣兄弟婚姻無胥遠矣爾之遠矣民胥然矣爾之教矣民胥傲矣此令兄弟綽綽有裕不令兄弟交相為瘡民之無良相怨一方受爵不讓至于已斯亡

葛藟王族刺平王也周室道衰棄其九族焉其一章曰
緜緜葛藟在河之滸終遠兄弟謂他人父謂他人父亦
莫我顧二章曰終遠兄弟謂他人母謂他人母亦莫我有
三章曰終遠兄弟謂他人昆謂他人昆亦莫我聞

杖杜刺時也君不能親其宗族骨肉離散獨居而無兄
弟將爲沃所并爾有杖之杜其葉滑滑獨行踽踽豈無
他人不如我同父嗟行之人胡不比焉人無兄弟胡不
飲焉二章曰豈無他人不如我同姓按角弓葛藟杖杜
三詩正棠棣行葦
之反也

春秋傳隱元年初鄭武公娶于申曰武姜生莊公及其

叔段莊公寤生驚姜氏故名曰寤生遂惡之愛共叔段

欲立之亟請於武公公弗許及莊公卽位爲之請制公

曰制巖邑也號叔死焉他邑惟命請京使居之謂之京

城大叔祭仲曰都城過百雉國之害也先王之制大都

不過參國之一中五之一小九之一今京不度非制也

君將不堪公曰姜氏欲之焉尉害對曰姜氏何厭之有

不如卑爲之所無使茲蔓蔓難圖也蔓草猶不可圖况

君之寵弟乎公曰多行不義必自斃子姑待之既而大

叔命西鄙北鄙貳於己公子呂曰國不堪貳君將若之

何欲與大叔臣請事之若弗與則請除之無生民心公

曰無庸將自及。大叔又收貳以爲己邑。至于廩延子封。曰可矣。厚將得衆。公曰不義不暱。厚將崩。大叔完聚繕甲兵。具卒乘。將襲鄭。夫人將啟之。公聞其期。曰可矣。命子封帥車二百乘以伐京。京叛大叔段。段入于鄆。公伐諸鄆。大叔出奔共。書曰鄭伯克段于鄆。段不弟。故不言弟。如一君故曰克。稱鄭伯。譏失教也。穀梁傳曰段第也。而弗謂第。公子也。而弗謂公子。貶之也。段失弟子之道也。賤段而甚鄭伯也。何甚乎鄭伯也。甚鄭伯之處心積慮成於殺也。春秋推見至隱首誅其意

漢孝文初卽位。淮南王長自以爲最親。驕蹇數不奉法。上寬赦之。三年入朝。甚橫。從上入苑獵。與上同輦。常謂上大兄。歸國益恣。不用漢法。六年謀反。事覺。廼使使召長至長安。丞相張蒼等雜奏。長所犯不軌。當棄市。臣請論如法制。曰朕不忍置法于王。其與列侯吏二千石議。

列侯吏二千石臣嬰等議。皆曰宜論如法制。曰其赦長。死罪。廢勿王。有司奏請處蜀。嚴道。卽郵。於是盡誅所與謀者。廼遣長載以緇車。令縣傳袁盎諫曰。上素驕淮南王。不能置嚴相傳。以故至此。且淮南王爲人剛。今暴摧折之。臣恐其逢霧露道死。而陛下有殺弟之名。柰何。上曰。吾特苦之耳。今復之。長謂侍者曰。吾以驕不聞過。故

至此乃不食而死縣傳者不敢發車封至雍雍令發之
 以死聞上悲哭謂袁盎曰吾不從公言卒亡淮南王盎
 曰陛下遷淮南王欲以苦其志使改過有司宿衛不謹
 故病死於是上廼解曰將柰何曰斬丞相御史以謝天
 下廼可上即令丞相御史逮諸縣不發封餽侍者皆棄
 市以列侯葬淮南王於雍置守冢三十家後封長子四
 人為侯民有作歌淮南王曰一尺布尚可縫一斗粟尚
 可舂兄弟二人不相容上聞之曰昔堯舜放逐骨肉周
 公殺管蔡天下稱聖不以私害公天下豈以為我貪淮
 南地耶乃追謚為厲王置園如諸侯儀十六年上臨憐

淮南王廢法不軌自使失國早夭立王三子

池帝於待淮南則不得為無過

唐太宗貞觀十年諸王荆王元景等之藩上與之別曰
 兄弟之情豈不欲常相共處和但以天下之重不得不
 爾諸子尚可復有兄弟不可復得因流涕嗚咽不能已

按太宗此言其始有感於隱巢之事乎

唐明皇帝素友愛初即位為長枕大被與兄弟同寢聽
 朝之暇多從諸王游在禁中拜跪如家人禮飲食起居
 相與同之於殿中設五幄與諸王更處其中謂之五王
 帳宋王成器尤恭謹未嘗議及時政與人交結帝愈信

重之故讒間之言無自而入 以上論天理人倫之正

三 長幼之序

禮記孔子侍坐於哀公哀公曰敢問人道孰爲大對曰古之爲正愛人爲大所以治愛人禮爲大所以治禮敬爲大敬之至矣大昏爲大夫昏旣至冕而親迎親之也者親之也是故君子與敬爲親捨敬是遺親也弗愛不親弗敬不正愛與敬其政之本與公曰冕而親迎不已重乎孔子愀然作色而對曰合二姓之好以繼先聖之後以爲天地宗廟社稷之主君何謂已重乎天地不合萬物不生大昏萬世之嗣也君何謂已重乎天

地合而後萬物興焉夫婚禮萬世之始也取於此以附遠後別也易曰正其本萬物理失之毫釐終以千里故君子慎始也春秋之元詩之關雎禮之冠婚易之乾坤皆慎始敬終云爾

易坤文言曰陰雖有美含之以從王事弗敢成也地道也妻道也臣道也地道無成而代有終也

小畜九二輿說輻夫妻反目象曰夫妻反目不能正室也

歸妹彖曰歸妹天地之大義也天地不交則萬物不興歸妹人之終始也說以動所歸妹也征凶位不當也無

攸利柔乘剛也

昏義婦人從夫者也。幼從父兄，嫁從夫，夫死從子，夫也者，夫也。夫也者，以知帥人者也。

家語曰：女子者，順男子之教而長其理者也。是故無專

制之義，而有二從之道。以上論天理人倫之正。四婦

之別

大禹謨曰：后克艱厥后，臣克艱厥臣，政乃乂，黎民敏德。

定公問：一言而可以興邦，有諸？孔子對曰：言不可以若

是其幾也。人之言曰：為君難，為臣不易。如知為君之難

也，不幾乎一言而興邦乎？曰：一言而喪邦，有諸？孔子對曰：

言不可以若是其幾也。人之言曰：予無樂手，為君唯

言而莫予違也，如其善而莫之違也，不亦善乎？如不善

而莫之違也，不幾乎一言而喪邦乎？孔子告定公之言，其與大禹若出一

揆萬世君臣之藥石

益稷帝庸作歌曰：勅天之命，惟時惟幾，乃歌曰：股肱喜

哉，元首起哉，百工熙哉。皋陶拜手稽首，颺言曰：念哉，率

作興事，慎乃憲，欽哉，屢省乃成，欽哉，乃賡載歌曰：元首

明哉，股肱良哉，庶事康哉。又歌曰：元首叢脞哉，股肱惰

哉，萬事隳哉。自克艱以下皆言君臣之道

洪範：惟辟作福，惟辟作威，惟辟玉食。臣無有作福作威

玉食臣之有作福作威王食其害于而家凶于而國人
 用則頗辟民用僭忒此箕子為武王陳萬世君臣之大法
 詩摯兮刺忽也君弱臣強不倡而和也籥兮籥兮風其
 吹女叔兮伯兮倡予和女籥兮籥兮風其漂女叔兮伯
 兮倡予要女

狡童刺忽也不能與賢人圖事權臣擅命也彼狡童兮
 不與我言兮維子之故使我不能餐兮彼狡童兮不與
 我食兮維子之故使我不能息兮

孔子曰天下有道則禮樂征伐自天子出天下無道則
 禮樂征伐自諸侯出自諸侯出蓋十世希不失矣自大
 夫出五世希不失矣陪臣執國命三世希不失矣天下
 有道則政不在大夫天下有道則庶人不議

孔子曰祿之去公室五世矣政逮於大夫四世矣故夫
 三桓之子孫微矣以上言君臣之名分雖嚴而上下之
 交不可無禮故以君使臣之禮告之

定公問君使臣臣事君如之何子曰君使臣以禮臣事
 君以忠

孟子告齊宣王曰君之視臣如手足則臣視君如腹心
 君之視臣如犬馬則臣視君如國人君之視臣如草芥
 則臣視君如寇讎王曰禮為舊君有服何如斯可為服
 矣曰諫行言聽膏澤下於民有故而去則君使人導之

出疆又先於其所往去三年不反然後收其田里此之謂二有禮焉如此則爲之服矣今也爲臣諫則不行言則不聽膏澤不下於民有故而去則君待執之又極之於所往去之日遂收其田里此之謂寇讎寇讎何服之有 以上總言君臣交際之禮

鹿鳴燕群臣嘉賓也既飲食之又實幣公帛笙篳以將其厚意然後忠臣嘉賓得盡其心矣其一章曰呦呦鹿鳴食野之苹我有嘉賓鼓瑟吹笙吹笙鼓簧承筐是將人之好我示我周行

禮記曰君子式黃髮下卿位

國君不名卿老世婦

五官之長曰伯其擯於天子曰天子之吏天子同姓謂之伯父異姓謂之伯舅九州之長入天子之國曰牧天子同姓謂之叔父異姓謂之叔舅

禮記卿大夫疾君問之無筭士壹問之君於卿大夫此葬不食肉此卒哭不舉樂爲士此擯不舉樂

儀禮坐撫當心安節如踊

春秋傳晉荀盈卒未葬晉侯飲酒樂膳宰屠蒯趨入曰君之卿佐是謂股肱股肱或虧何痛如之

漢文帝時賈誼上疏曰人主之尊譬如堂群臣如陛庶

衆如地故陞九級上庶遠地則堂高陞七級廉近地則
堂卑高者難攀卑者易陵理勢然也故古者聖王制爲
等列內有公卿大夫士外有公侯伯子男然後有官師
小吏延及庶民等級分明而天子加焉故其尊不可及
也里諺曰欲投鼠而忌器此善諭也鼠近器尚憚不投
恐傷其器况於貴臣之近主乎庶耻節禮以治君子故
有賜死而無戮辱是以黥劓之辜不及大夫以其離主
上不遠也禮不敢齒君之路馬蹙其芻者有罰見君
之几杖則起遭君之喪之則下入正門則趨君之寵臣
雖或有過刑戮之辜不加其身者尊君之故此所以爲
主上豫遠不敬也所以體貌大臣而厲其節也今自
侯三公之貴皆天子之所改容而禮之也古天子之所
謂伯父伯舅也而今與衆庶同黥劓髡則笞僞棄市之
法然則堂不無陛乎庶耻不行大臣無迺握重權大官
而有徒隸無耻之心乎又曰主上遇其大臣如遇犬馬
彼時犬馬自爲也如遇官徒彼時官徒自爲也頑頓無
耻集詬無節庶耻不立且不自好苟若不可故見利則
逝見便則奪主上有敗則因而挺之矣主上有患則吾
苟免而已立而觀之耳有便吾身者則欺賣而利之耳
人主將何便於此又曰古者大臣有坐不廉而廢者不

謂不廉曰簞簞不飾坐汗穢淫亂男女無別者不曰汗穢曰帷薄不脩坐罷軟不勝任者不謂軟罷曰下官不職故責大臣定有臯矣猶未正然正以諱之也尚遷就而為之諱也遇之有禮故群臣自臯嬰以廉耻故人矜節行上設庶耻禮義以遇其臣而臣不以節行報其上者非人類也故化成俗定則為人臣者王爾忘身國爾忘家公爾忘私利不苟就害不苟去唯義所在上之化也故父兄之臣誠於宗廟法度之臣誠於社稷輔翼之臣誠於守國扞敵之臣誠於城廓封疆故曰聖人有金人者此物此志也彼且為我死故吾得與之俱生彼且為我亡故吾得與之俱存彼將為我危故吾得與之皆安顧行而志利守節而使義故可以託不御之權可以寄六尺之孤此厲廉耻行禮誼之所致也 以上論天

理人倫之正四 君使臣之禮

子曰君子之事君也進思盡忠退思補過將順其美匡救其惡故上下能相親

子路問事君子曰勿欺也而犯之

子曰所謂大臣者以道事君不可則止

孟子將朝王王使人來曰寡人如就見者也有寒疾不可以風朝將視朝不識可使寡人得見乎對曰不幸而

有疾不能造朝明日出弔於東郭氏公孫丑曰昔者辭以病今日弔或者不可乎曰昔者疾今日愈如之何不弔王使人問疾醫來孟仲子對曰昔者有王命有采新之憂不能造朝今病小愈趨造於朝我不識能至否乎使數人要於路曰請必無歸而造於朝不得已而之景丑氏宿焉景子曰內則父子外則君臣人之大倫也父子主恩君臣主敬丑見王之敬子也未見所以敬王也曰惡是何言也齊人無以仁義與王言者豈以仁義爲不美也其心曰是何足與言仁義也云爾則不敬莫大乎是我非堯舜之道不敢陳於王前故齊人莫如我敬王也

孟子曰責難於君謂之恭陳善閉邪謂之敬吾君不能謂之賊

孟子曰人不足與適也政不足間也惟大人爲能格君心之非君仁莫不仁君義莫不義君正莫不正一正君而國定矣

孟子曰君子之事君也務引其君以當道志於仁而已春秋傳曰齊景公至自田晏子侍子猶馳而造焉公曰唯據與我和夫晏子對曰據亦同也焉得爲和公曰和與同異乎對曰異和如羹焉水火醯醢鹽梅以烹芻肉

燁之以薪宰天和之以洩其過君子食之以平其心君
臣亦然君所謂可而有否焉臣獻其否以成其可君所
謂否而有可焉臣獻其可以去其否是以政平而不下
民無爭心故詩曰亦有和羹既戒且平驥假無言時靡
有爭今據不然君所謂可據亦曰可君所謂否據亦曰
否若以水濟水誰能食之若琴瑟之專一誰能聽之同
之不可也如是

漢汲黯爲主爵都尉列於九卿其諫犯主之顏色上方
招文學儒者上曰吾欲云云黯對曰陛下內多欲而外
施仁義奈何欲效唐虞之治乎上怒變色而罷朝公卿

皆爲黯懼上退謂人曰甚矣汲黯之戇也群臣或數黯
黯曰天子置公卿輔弼之臣寧令從諛承意陷主於不
義乎且已在其位縱愛身柰辱朝廷何黯病嚴助爲請
告上曰汲黯何如人哉曰使黯任職居官無以踰人然
至其輔少主守成雖自謂賁育弗能奪也上曰然古有
杜摎之臣如汲黯近之矣按人臣之義以忠直爲本故
上取孔子孟之言下迄汲黯之
事以上論天理人倫之正四臣事君
之忠

伐木燕朋友故舊也自天子至於庶人未有不須友以
成者親親以睦友賢不棄不遺故舊則民德歸厚矣其
一章曰伐木丁丁鳥鳴嚶嚶出自幽谷遷于喬木嚶其

鳴矣求其友聲相彼鳥矣猶求友聲矧伊人矣不求友
生神之聽之終和且平

萬章問曰敢問友孟子曰不挾長不挾貴不挾兄弟而
友友也者友其德也不可以有挾也孟獻子百乘之家
也有友五人焉樂正襄牧仲其三人則子忘之矣獻子
之與此五人者友也無獻子之家者也此五人者亦有
獻子之家則不與之友矣非惟百乘之家爲然也雖小
國之君亦有之費惠公曰吾於子思則師之矣吾於顏
般則友之矣王順長息則事我者也非惟小國之君爲
然也雖大國之君亦有之晉平公之於亥唐也入云則

入坐云則坐食云則食雖蔬食菜羹未嘗不飽蓋

不飽也然終於此而已矣弗與共天位也弗與治天職
也弗與食天祿也士之尊賢者也非王公之尊賢也舜
尚見帝帝館甥于貳室亦饗舜迭爲賓主是天子而友
匹夫也用下敬上謂之貴用上敬下謂之尊賢貴貴
尊賢其義一也

按孟子謂自天子至大夫皆有友賢之
義然知友賢未知用賢則猶未也

萬章問曰庶人召之役則往役君欲見之召之則不往
見之何也曰往役義也往見不義也且君之欲見之也
何爲也哉爲其多聞也爲其賢也曰爲其多聞也則天
子不召師而况諸侯乎爲其賢也吾未聞欲見賢而召

之也。繆公亟見於子思曰：古千乘之國，以友士何如？子思不悅曰：古之人有言曰：事之云乎？豈曰友之云乎？子友也，以德則子事我者也，奚可以與我友？千乘之君求與之友而不可得也，而况可召與？按孟子此章又明賢者以道自重，諸侯不得而友之義。

天下有達尊三：爵一，齒一，德一。朝廷莫如爵，鄉黨莫如齒，輔世長民莫如德。惡得有其一，以慢其二哉？故將大有為之君，必有所不召之臣。欲有謀焉，則就之；其尊德樂道，不如是，不足與有為也。故湯之於伊尹，學焉而後

臣之，故不勞而王。桓公之於管仲，學焉而後臣之，故不勞而霸。今天下地醜德齊，莫能相尚，無他，好臣其所教，而不好臣其所受教。湯之於伊尹，桓公之於管仲，則不敢召，管仲且猶不可召，而况不為管仲者乎？

學記君之所不臣於其臣者二：當其為乃則弗臣也，當其為師則弗臣也。按此二條又明王者有師，臣之義不恃友之而已。以上論天理人倫之

正五明文之交共九十六條

統論五倫

問盡其道，謂之孝弟。夫以一身推之，則身者資父母之

血氣以生者也。盡其道者，則能敬其身。能敬其身者，則能敬其父母矣。不盡其道，則不敬其身。不敬其身，則不敬父母。其斯之謂歟。程子曰：今士大夫受職於君，期盡其職，受身於父母，安可不盡其道。問第五倫視其子之疾，與兄子之疾不同，自謂之私，如何。曰：不特安寢與不安寢，只不起與十起，便是私也。父子之愛，本是公，纔着此心，做便是私也。又問視己子與兄子有間否。曰：聖人立法曰：兄弟之子猶子也。是欲視之猶子也。又問天性自有輕重，疑若無間。然曰：只為今人以私心看了。孔子曰：父子之道，天性也。此只就孝上說。故言父子天性，若君

臣兄弟，賓主朋友之類，亦豈不是天性。只為今人小看，却不推其本所由來，故爾己之子與兄之子，所爭幾何，是同出於人者也。只為兄弟異形，故以兄弟為手足，人多以異形故，親己之子，異於兄弟之子，甚不是也。君臣朋友之際，其合不正，未有久而不離者。故賢者順理而安行，知者知幾而固守。問妻可出乎。曰：妻不賢，出之何害。如子思亦嘗出妻，今世俗乃以出妻為醜行，遂不敢為。古人不如此。妻有不善，便當出也。又問古人出妻，有以對姑叱狗，藜蒸不熟者，亦無甚惡而遽出之，何也。曰：此古人忠厚之道也。古人交絕，不出惡聲。君子不

恐以大惡出其妻而以微罪去之以此見其忠厚之至
問妻再娶皆不合禮否曰大夫以上無再娶禮凡人爲
夫婦時豈有一人先死一人再娶一人再嫁之約只約
公姑或主內事爾如大夫以上至諸侯天子自有嬪妃
可以供祀禮所以不許再娶也世人多慎於擇婿而忽
於擇婦其實婿易見婦難知所係甚重可忽哉 問事
兄盡禮不得兄之歡心柰何曰但當起敬起孝盡至誠
不求伸已可也曰接第之道如何曰盡友愛之道而已
周公之于兄舜之于弟皆一顛觀其用心爲何如哉推
此心以待人亦如此然有差等耳

豫章羅氏曰君明君之福臣忠臣之福君明臣忠則朝
廷治安得不謂之福乎父慈父之福子孝子之福父慈
子孝則家道隆盛得不謂之福乎俗人以富貴爲福陋
哉

朱子曰聖人之於天地猶子之於父母 父子欲其親
君臣欲其敬非是欲其如此盖有父子則便自然有親
有君臣則便自然有敬 問父母之於子有無窮憐愛
欲其聰明欲其成立此之謂誠心耶曰父母愛其子正
也愛之無窮而必欲其如此則邪矣此天理人欲之間

正當審決。問人不幸處繼母異兄弟不相容當如何。曰從古來自有這樣子。只看舜如何。後來此樣事多有。只是爲人子止於孝。問妻有七出。此却是正當道理。非權也。曰然。問與朋友友友後知其不善欲絕則傷恩。不與之絕則又似匿怨而友其人。曰此非匿怨之謂也。心有怨于人而外與之交則爲匿怨。若朋友之不善情意自是當疏。但疏之以漸。若無大故則不必峻絕之。所謂親者毋失其爲親。故者毋失其爲故者也。勉齋黃氏曰朋友者人類之中。志同而道合者也。故曰天秩有典。豈人力也哉。君臣父子夫婦長幼一失其序。

則天典不立。人道化爲夷狄矣。朋友道絕則此四者。欲各居其分不可得也。善而莫予告也。過而莫予規也。觀感廢而怠心生。講習疎而實理晦。五常皆行顛倒錯繆。而不可勝救矣。然則朋友者。列於人倫而又所以綱紀人倫者也。所可重者若此。而世莫之重焉。可不爲之屢歎也耶。

周子曰道義者身有之則尊且貴。人生而蒙長無師友。則愚。是道義由師友有之。而得尊且貴。其義不亦重乎。其聚不亦樂乎。

陸子曰楊子雲謂務學不如務求師。師者人之模範也。

模不模範不範爲不少矣韓退之謂古之學者必有師師者所以傳道授業解惑人非生而知之孰能無惑惑而不求師其爲惑也終不解矣近世諸儒反不及此然後知二公之識不易及也吾亦謂論學不如論師得師而不虚心委已則又不可以罪師

五常總論

天命之性何性也維皇降衷厥有恒性仁之於父子也義之於君臣也禮之於賓主也知之於賢者也聖人之於天道也命也有性焉恒性卽吾人五常之性是也率性之道何道也天下之達道五君臣也父子也夫婦也

昆弟也朋友之交也卽吾性五常之道是也脩道之教何教也飽食煖衣逸居無教則近於禽獸聖人有憂之使契爲司徒教以人倫父子有親君臣有義夫婦有別長幼有序朋友有信卽吾性之常道而教之各盡其性是也然則大學明明德親民止至善何謂哉欲明明德於天下國家自天子至於庶人壹是皆以脩身爲本格致誠正所以脩身也爲君止仁爲臣止敬爲子止孝爲父止慈與國人交止信而至善曾出五常之外耶可見五常之外無所謂性與道也無所謂教與學也言學而非止至善之學此學之所以不大皆異學矣言教而非脩

道之教此教之所以不中皆異教矣聖人庸言之信庸行之謹故聲律身度可法可傳卓然爲天下萬世立人極者豈有他哉其爲父子兄弟足法而後民法之故曰聖人人倫之至也信乎五常之外無聖人也雖然豈特五常之外無聖人哉外五常不可爲人矣觀烏鵲之反哺蜂蟻之尊王關雎之有別鶴鴒之急難嚶鳴之求友在鳥獸昆蟲且然况於人乎人特不肯以此五常自責自脩耳君臣父子夫婦昆弟朋友皆人生本有之倫親義序別信皆人生自有之性人各自盡其倫自率其性本不待外求而自足者至於溫清定省責難陳善隨其時

勢之順逆而爲之委曲周旋又顧人之自力何如耳曰五常之道人或不能哉嘗以此考諸唐虞三代上之所以教下之所以學皆所以明人倫也故人倫明于上小民親于下非偶然也柰何聖學不明世教日衰民之習俗愈趨愈陋凡訓詁詞章功利智術種種陷溺人心已不可救藥故二氏之徒倡爲玄寂之說以瞽惑聾晦世之人其號曰高明俊拔者又群起而爭赴之今不必究其說爲何如卽其去父母兄弟妻子愀然不顧則其所謂性果五常之性乎所謂道果五常之道乎所謂性果脩道之教所謂學果仁敬孝慈信而爲止至善之

學乎其異乎聖人中正立人極者至顯明也彼縉紳士大夫反溺於其說冥然罔覺閉關習靜逃人間世自以爲超越塵凡脫離生歿本習止觀禪定乃名曰艮止本習守中調息乃名曰執中假聖明宗旨以爲之掩覆雖未嘗出家雲遊離父兄絕妻子其實并聖學禪宗而兩失之昔楊墨學仁學義孟子尚懼其無君父焉而顯然異端反尊之爲聖學爲世教慮者寧不慟心也耶是故欲明聖學莫要於敷五教也五教陳而常道明所以盡性盡人物之性參贊天地在茲矣否則詞章功利旣以陷溺凡庸懸解頓悟又以鼓篳與聰俊舉綱常而盡廢之如此而欲挽世道以返之唐虞三代未之有也噫綱常倫物至重也慎不可以爲日用之近而忽之

九

袒免四從兄弟

總麻三從兄弟

小功再從兄弟

大功初從兄弟

期親兄弟

曾孫

玄孫

族

高曾祖祖

祖父身子孫

下殺四自子至玄孫

中殺四自親兄弟至從兄弟

上殺自父至高祖

圖

一說父族四謂本族之內一	也父之女昆弟適人者及	其子二也已之女昆弟適	人者及其子三也已之女子	適人者及其子四也母族	三母之父姓一也母之母	姓二也母之女昆弟適人	者及其子三也妻族二	妻之父姓一也妻之母姓	二也
-------------	------------	------------	-------------	------------	------------	------------	-----------	------------	----


堯典曰克明峻德以親九族九族既睦

蔡傳曰九族高祖至玄孫之親舉近以該遠五服異姓之親亦在其中也睦親而和也

人之一身上而高曾祖考下而子孫曾玄皆吾人一本之親也帝典親睦九族而必先之以克明峻德何哉蓋言九族之衆凡同姓異姓藹然和睦一本於克明峻德以親之而百姓而萬邦皆九族之推也所以大學曰自天子以至於庶人一是皆以脩身為本其本亂而未治者否矣其所厚者薄而其所薄者厚未之有也使九族不睦則薄其所厚矣不先修身明明德以立其本焉欲

以親睦九族也何可得哉信乎九族未睦何以言一本
之親身有未脩何以言敦本之教

家人卦圖



九五居外六二居內
男女正位之象也長
女居上中女居下尊
卑有序之象也四陽
二陰陽強而陰弱夫
唱婦隨之象也二陰
皆居陰位執柔而不
亢之象也內明而外
巽處家之象也

家人利女貞 彖曰家人女正位乎內男子正位乎外
男正女正天地之大義也家人有嚴君焉父母之謂也父
父子子兄弟第第夫夫婦婦而家道正正家而天下定矣
象曰風自火出家人君子以言有物而行有恒 初
九閑有家悔亡 象曰閑有家志未變也 六二无攸
遂在中饋貞吉 象曰六二之吉順以巽也 九三家
人嗃嗃悔厲吉婦子嘻嘻終吝 象曰家人嗃嗃未失
也婦子嘻嘻失家節也 六四富家大吉 象曰富家
大吉順在位也 九五王假有家勿恤吉 象曰王假
有家交相愛也 上九有孚威如終吉 象曰威如之
吉反身之謂也

卦以家人名何也此卦上巽下離二陰四陽長女中女
各得其位故卦辭曰利女貞大率一家之中女正則家
正矣一卦下五爻陰陽俱各得位故彖傳曰女正位乎
內男正位乎外又曰父父子子兄弟第第夫夫婦婦而
家道正正家而天下定矣然大象則曰風自火出家人
君子以言有物行有恒上爻小象曰威如之吉反身之
謂也是女正必本於男正家正必本於身正觀象玩辭
當自得之且彖傳曰家人有嚴君焉父母之謂也上爻
曰有孚威如終吉曰嚴曰威固可以爲正家之道九三

家人嗃嗃悔厲吉婦子嘻嘻終吝可見治家雖過於嚴
馬終不失爲吉也噫合一卦六爻彖象觀之齊家之道
又豈有餘蘊哉

正家考

大學所謂齊其家在修其身者人之其所親愛而辟焉
之其所賤惡而辟焉之其所畏敬而辟焉之其所哀矜
而辟焉之其所敖惰而辟焉故好而知其惡惡而知其
美者天下鮮矣故諺有之曰人莫知其子之惡莫知其
苗之碩此謂身不修不可以齊其家

所謂治國必先齊其家者其家不可教而能教人者無
之故君子不出家而成教於國孝者所以事父也弟
所以事長也慈者所以使衆也康誥曰如保赤子心誠
求之雖不中不遠矣未有學養子而后嫁者也一家仁
一國興仁一家讓一國興讓一人貪戾一國作亂其機
如此此謂一言僨事一人定國堯舜帥天下以仁而民從
之桀紂帥天下以暴而民從之其所令反其所好而民
不從是故君子有諸已而后求諸人無諸已而后非諸
人所藏乎身不恕而能喻諸人者未之有也故治國在
齊其家詩云桃之天天其葉蓂蓂之子于歸宜其家人
宜其家人而後可以教國人詩云宜兄宜弟宜兄宜弟

而後可以教國人詩云其儀不忒正是四國其爲父子
兄弟足法而後民法之也此謂治國在齊其家

中庸君子之道辟如行遠必自邇辟如登高必自卑詩
曰妻子好合如鼓瑟琴兄弟既翕和樂且耽宜爾室家
樂爾妻孥子曰父母其順矣乎

孟子曰身不行道不行於妻子使人不以道不能行於
妻子

治天下有本身之謂也治天下有則家之謂也本必端
端本誠心而已矣則必善善則和親而已矣家難而天
下易家親而天下疏也家人離必起於婦人故睽次家
人以二女同居而志不同行也堯所以釐降二女于媯
汭舜可禪乎吾茲試矣是治天下觀于家治家觀于身
而已矣身端心誠之謂也誠心復其不動而已矣不善之
動妄也妄復則無妄矣無妄則誠矣故无妄次復而曰
先王以茂對時育萬物深哉

家有夫婦焉家有父子焉家有兄弟焉人之大倫五而
家有其三必先有以厚夫婦之倫而後父能慈子能孝
兄能友弟能恭此學周南召南之功也

夫天之生物也一本故近而家遠而天下莫非同體古
之聖人其於天下也則有養老慈幼恤孤獨之政焉其

爲法也。詳於其家也。則有愛親敬長之道焉。其爲義也。密。夫愛親敬長與養老慈幼恤孤獨。以其事則固異矣。然而其心豈二哉。爲天下養老字幼恤孤獨之心。卽居其家愛親敬長之心。故凡爲天下而天下之老之幼之孤獨漠然視之者。則固以屈其家其親其長。有移其天性而天性之愛幾於泯者矣。是故君子篤其恩於家也。匪以其近私之也。篤其恩於家。所以普其仁於天下者。固在是矣。其以愛親敬長教其子弟。與其族人也。匪以其爲吾子弟。爲吾族人。故私之耳也。仁人一體之公。中國神聖之學。本如是。同其風於家。所以同天下之風者。在是矣。

正家總論

五常之道。家有其三。而夫婦乃家庭人合之倫也。中庸論道察天地。斯其至矣。然造端則在乎夫婦之近焉。何哉。蓋一陰一陽鼓天地之大化。一夫一婦肇人紀之大初。易序卦傳曰。有天地然後有萬物。有萬物然後有男女。有男女然後有夫婦。有夫婦然後有父子。有父子然後有君臣。有君臣然後有上下。有上下然後禮義有所錯。夫婦之道。不可以不久也。故易首乾坤。乾坤卽夫婦之大也。夫婦卽乾坤之小也。乾道成男。坤道成女。乾知

大始坤作成物乾以易知坤以簡能孰不曰乾坤易簡之道無餘蘊矣然夫婦之愚可以與知與能非即乾坤易知簡能之道哉觀家人卦彖曰家人女正位乎內男正位乎外男女正天地之大義也信乎道察天地而其造端在夫婦也又曰家人有嚴君焉父母之謂也父父子子兄兄弟弟夫夫婦婦而家道正矣正家而天下定矣玩其卦畫陰陽各得其正而五之王儆有家上有孚威如其象蓋可觀也已是以書首堯典堯釐降二女於媯汭舜可禪乎吾茲試矣堯之所以爲天下得人舜之所以無爲天下治其端爲有自也詩首關雎窈窕淑女

君子好逋文王所以刑寡妻至兄弟而迓家邦者率遵道也故大學曰宜其家人而後可以教國人其爲父子兄弟之法而後民法之也可見一正家而天下定居室雖至近參贊位育之道管是也然易大象風自火出家人君子以言有物而行有恒大學于親愛賤惡畏敬哀矜傲惰而辟焉者則吾身不修不可以齊其家又何也蓋家之本在身而一身之間凡言行好惡乃一家觀法所係苟好惡偏而言行不臧則身不行道且將不行於妻子况一家尊卑長幼欲其一循乎脩道之教而莫我違也難矣哉此所以上九象曰威如之吉反身之謂也然

則治天下觀於家治家觀於身周子豈無見而云然哉
雖然人情最易狎褻者莫居室若也于此慎言行公好
惡脩身之功無斯須間焉則行遠自邇登高自卑所以
迓家邦察天地者又何事他求也是故君子於家人一
卦六爻觀象玩辭并大學齊家中庸造端孟子周子之
言曾而通之體而行之及身正家之道其庶幾矣

朱子教規白鹿書院

父子有親君臣有義夫婦有別長幼有序朋友有信
此五教之目舜使契爲司徒敬敷五教卽此是也學者
學此而已而其所以學之之序亦有五其列如左

博學之審問之慎思之明辨之篤行之

此爲學之序學問思辨四者皆所以窮理若夫篤行之
事則自脩身以至于接物亦各有要其別如左
言忠信行篤敬懲忿窒慾遷善改過

右修身之要

正其誼不謀其利明其道不計其功

右處事之要

已所不欲勿施於人行有不得反求諸已

右接物之要

熹竊觀古昔聖賢所以教人爲學之意莫非使之講明

義理以脩其身然後推以及人非徒欲其務記覽爲詞
章以釣聲名資利祿而已今之爲學者則又反是矣然
聖賢所以教人之法具存於經有志之士固當熟讀精
思而問辨之苟知其理之當然而責其身以必然則夫
規矩禁防之具豈待他人設之而後有所持循哉近世
於學有規其待學者爲已淺矣而其爲法又未必古之
意也故今不復施於此堂而特取凡聖賢所以教人爲
學之大端條列如右而揭之楹間諸君其相與講明遵
守而責之於身焉則夫思慮云爲之際其所以戒謹恐
懼者必有嚴於彼者矣其有不然而或出於禁防之外

